



মকর সংক্রান্তি উপলক্ষে আগরতলায় আলপনা। - পিটিআই

ট্রাম্পের ভাষণে আমন্ত্রিত প্রবাসী ভারতীয়ের বিধবা স্ত্রী

ওয়াশিংটন, ১২ জানুয়ারি : মার্কিন প্রেসিডেন্ট ডোনাল্ড ট্রাম্পের রাষ্ট্রীয় ভাষণে আমন্ত্রিত প্রবাসী ভারতীয় প্রযুক্তিবিদ শ্রীনিবাস কুচিভাতলার বিধবা স্ত্রী সুনয়না দুমলা। আমেরিকায় প্রবাসীদের নিয়ে যে কোনো সমস্যা নেই, তা বোঝাতেই ডোনাল্ড ট্রাম্পের রাষ্ট্রীয় ভাষণে সুনয়না দুমলাকে আমন্ত্রণ জানানো হয়েছে বলে জানালেন মার্কিন কংগ্রেসের অন্যতম নেতা কেবিন জেদার। তাঁর কথায়, 'আমাদের দেশ যে সকলকে স্বাগত জানায়, সেই বার্তা আমরা ভারতীয় এবং অন্য প্রবাসীদের কাছে পৌঁছে দিতে চাই।'

গত বছর ওলাতে শহরে খুন হয়েছিলেন প্রবাসী ভারতীয় শ্রীনিবাস কুচিভাতলা। বর্ণবৈষম্যের জেরেই তাঁকে খুন করা হয়েছিল বলে অভিযোগ। এই ঘটনার পর কুচিভাতলার স্ত্রী ৩২ বছর বয়সি সুনয়না দুমলা মার্কিন যুক্তরাষ্ট্রে বসবাসের অধিকার হারান। কেননা স্বামীর সূত্রেই তিনি মার্কিন যুক্তরাষ্ট্রে বসবাসের অধিকার পেয়েছিলেন। কিন্তু এখনও পর্যন্ত ওলাতে শহরেই বসবাস করেন দুমলা। ট্রাম্প সরকার তাঁকে বিতাড়িত করেন। তাই আমেরিকায় বর্ণবৈষম্যের জেরে হিংসার কথা মানতে নারাজ দুমলা জবাব, 'আপনিও এখানে থাকতে পারেন।'

অন্য দেশ সম্পর্কে অশালীন মন্তব্য ট্রাম্পের

ওয়াশিংটন, ১২ জানুয়ারি : আমেরিকায় অভিবাসী হতে চায় এমন কয়েকটি দেশের নাগরিকদের সম্পর্কে মার্কিন প্রেসিডেন্ট ডোনাল্ড ট্রাম্পের একটি মন্তব্য ঘিরে হইচই শুরু হয়েছে। বৃহস্পতিবার হোয়াইট হাউসের সাংসদদের সঙ্গে অভিবাসনের নীতি চূড়ান্ত করা নিয়ে আলোচনার সময় ট্রাম্প বলেন, 'কেন আমরা নাওবা দেশগুলো থেকে এসব লোককে আমেরিকায় নিয়ে আসছি? হইচই, এল সালভাদোর ও আফ্রিকার দেশগুলো নিয়েই ট্রাম্পের এই ধরনের অশালীন মন্তব্য বলে মার্কিন সংবাদমাধ্যমের ধারণা। মার্কিন প্রেসিডেন্টের এমন মন্তব্য ঘিরে রিপাবলিকান ও ডেমোক্র্যাট, দুই শিবিরেই সমালোচনার ঝড় উঠেছে। এই

পরিহাসিত ট্রাম্পের মন্তব্যের পক্ষে সাফই দিয়ে এক বিবৃতিতে হোয়াইট হাউস বলেছে, 'ওয়াশিংটনের কিছু রাজনীতিবিদ বিশেষ শক্তির হয়ে লড়াইয়ের পথ বেছে নিয়েছেন। অন্যদিকে, প্রেসিডেন্ট ট্রাম্প সবসময় আমেরিকার জনগণের পক্ষে লড়াই করতে চান।'

হোয়াইট হাউসের মুখপাত্র রাজ শাহ জানিয়েছেন, বর্তমান মার্কিন প্রশাসন অন্য অনেক দেশের মতো মেধাভিত্তিক অভিবাসনে আগ্রহী। তিনি বলেন, 'প্রেসিডেন্ট ট্রাম্প আমাদের দেশকে শক্তিশালী করতে স্থায়ী সমাধানের পথে লড়াই চালিয়ে যাচ্ছেন। তিনি চান আমেরিকা যেন তাঁদেরই স্বাগত জানায়, আমাদের সমাজে যাদের অবদান থাকে

এবং যারা আর্থিক বিকাশে গুরুত্বপূর্ণ ভূমিকা পালন করতে পারবেন।' হোয়াইট হাউসের বিবৃতিতে বলা হয়েছে, যেসব অভিবাসী পরিশ্রমী মার্কিনদের জীবনকে চ্যালেঞ্জের মুখে ফেলছেন, ট্রাম্প তাঁদের প্রত্যাহ্বান করতে চান। ওই বৈঠকে ডেমোক্র্যাট সেনেটর রিচার্ড ডারবিন প্রাকৃতিক দুর্যোগ, যুদ্ধ ও মহামারি আক্রান্ত দেশের নাগরিকদের অস্থায়ীভাবে আমেরিকায় বসবাসের অনুমতি দেওয়ার ব্যাপারে একটি প্রস্তাব পেশ করেন। তখন ট্রাম্প সাংসদদের বলেন, আমেরিকার উচিত ওই সব দেশ থেকে অভিবাসী না নিয়ে নরওয়ের মতো দেশগুলোর থেকে অভিবাসী নেওয়া। আফ্রিকার দেশগুলোর নাগরিকদের নিয়ে ট্রাম্পের অশালীন

মন্তব্য এবারই প্রথম নয়। এর আগে একটি বৈঠকে হাইডার নাগরিকদের সম্পর্কে ট্রাম্প বলেছিলেন, 'সকলেরই এইডস আছে। এবার ট্রাম্পের মন্তব্যের তীব্র সমালোচনা শুরু হয়েছে। মেরিলান্ডের ডেমোক্র্যাট সাংসদ এলিজা কামিংস টুইট বার্তায় বলেছেন, 'ক্ষমার অযোগ্য এই মন্তব্যের নিন্দা করছি। এই মন্তব্য প্রেসিডেন্টের অফিসের মর্যাদা ক্ষুণ্ণ করেছে।' আর এক ডেমোক্র্যাট সাংসদ সৌজি রিচমন্ড বলেছেন, 'ট্রাম্পের মন্তব্যে প্রমাণ হয়েছে তাঁর মেক আমেরিকা গ্রেট এগেইন স্লোগান আসলে মেক আমেরিকা হোয়াইট এগেইন।' ট্রাম্পের নিজের দলের সাংসদরাও সমালোচনার সর্ববলে উঠেছেন।

সমুদ্রের ঢেউ থেকে বিদ্যুৎ

ঢাকা, ১২ জানুয়ারি : সমুদ্রের ঢেউ থেকে বিদ্যুৎ উৎপাদনের খোঁজে বাংলাদেশে সমীক্ষা শুরু হয়েছে। বাংলাদেশের বিদ্যুৎ ও জ্বালানি প্রতিমন্ত্রী নসরুল হামিদ জানিয়েছেন, 'সমুদ্রের ঢেউ থেকে বিদ্যুৎ উৎপাদন প্রযুক্তি উন্নত বিশ্বের কিছু দেশে এখনও পরীক্ষার স্তরে রয়েছে। এই প্রযুক্তি খরচসাপেক্ষ এবং বাণিজ্যিকভাবে জনপ্রিয় নয়। সমুদ্রের ঢেউ থেকে বিদ্যুৎ উৎপাদনের লক্ষ্যে সমীক্ষা করা হচ্ছে।' তিনি জানান, দেশে নিরবচ্ছিন্ন বিদ্যুৎ সরবরাহ নিশ্চিত করতে আরও কিছুদিন অপেক্ষা করতে হবে। কারণ, বাংলাদেশে প্রতিনিম্নত বিদ্যুতের চাহিদা বাড়ছে। ২০৪১ সাল নাগাদ বাংলাদেশের বিদ্যুতের চাহিদা পৌঁছাবে ৬০ হাজার মেগাওয়াটে।

ইরানের সঙ্গে পরমাণু চুক্তি আমেরিকাকে চ্যালেঞ্জ ব্রিটেনের

লন্ডন, ১২ জানুয়ারি : বিশ্বের ৬টি দেশের সঙ্গে ইরানের পরমাণু চুক্তি নিয়ে আমেরিকাকে চ্যালেঞ্জ করল ব্রিটেন। বেলজিয়ামের রাজধানী ব্রাসেলসে ইরান, ফ্রান্স, জার্মানি এবং ইউরোপীয় ইউনিয়নের অন্য দেশগুলোর বিদেশমন্ত্রীদের সঙ্গে বৈঠকের পর ব্রিটেনের বিদেশমন্ত্রী বরিস জনসন বলেন, 'ওই চুক্তি ইরানকে পারমাণবিক অস্ত্র কর্মসূচি থেকে বিরত রেখেছে। এর চাইতে ভালো বিকল্প আমেরিকার কাছে থাকলে তা ওরা দেখাতে পারে।' এর আগে মার্কিন প্রেসিডেন্ট ডোনাল্ড ট্রাম্প ইরানের পরমাণু চুক্তিটি সংশোধন অথবা বাতিল করার পক্ষে মত দিয়েছিলেন। কিন্তু ইউরোপের দেশগুলো বলেছে ওই চুক্তির কারণে বিশ্ব নিরাপত্তা রয়েছে। ২০১৫ সালে আমেরিকা, চীন, রাশিয়া, জার্মানি, ফ্রান্স ও ব্রিটেনের সঙ্গে চুক্তি সই করে ইরান। ওই চুক্তির আওতায় ইরান তাদের পারমাণবিক প্রকল্পের কাজ কমানোর আশ্বাস দিয়েছিল। বাণিজ্যের উপর নিষেধাজ্ঞা শিথিল করা হবে এই শর্তে ইরান ওই চুক্তিতে সই করতে সম্মত হয়। কিন্তু প্রেসিডেন্ট হওয়ার পর ট্রাম্প বলেছিলেন, ওই চুক্তিতে অনেক ত্রুটি রয়েছে। চুক্তি বাতিলের হুমকি দিয়ে তিনি বলেছিলেন, ইরান ওই চুক্তি নানাভাবে লঙ্ঘন করছে। গত অক্টোবর মাসে মার্কিন কংগ্রেস পারমাণবিক চুক্তি মেনে চলার জন্য ইরানকে সার্টিফিকেট দিতে চেয়েছিল। কিন্তু ট্রাম্প তাতে রাজি হননি। বরং তিনি ইরানের বিরুদ্ধে আরও কড়া নীতি ঘোষণা করেন। অন্য পাঁচটি দেশ তখন বলেছিল, রাষ্ট্রসংঘের প্রস্তাবনা অনুযায়ী আমেরিকা একতরফাভাবে একটি বহুপাক্ষিক চুক্তি বাতিল করতে পারে না। পালাটা হুমকি দিয়ে ইরানও বলেছিল, আমেরিকা চুক্তি থেকে সরে গেলে তারাও ওই চুক্তি থেকে সরে যাবে। বুধবার ব্রাসেলসে বরিস জনসন বলেন, ইরান ওই চুক্তি পুরোদস্তুর মেনে চলছে। ইউরোপীয় ইউনিয়নের বিদেশনীতি বিষয়ক প্রধান ফেডেরিকা মঘারিনিও ইরান চুক্তির পক্ষে মত দিয়েছেন। তিনি বলেছেন, 'চুক্তির মূল লক্ষ্য ছিল ইরানের পরমাণু প্রকল্পের কাজ তদারকি করা ও তার উপর নজরদারি চালানো। সেই কাজ ঠিকমতো হচ্ছে। এই চুক্তি কার্যকর রাখতে আন্তর্জাতিক একা প্রয়োজন।'

সৌদি স্টেডিয়ামে খেলা দেখবেন মহিলারা

রিয়াদ, ১২ জানুয়ারি : মহিলাদের স্টেডিয়ামের গ্যালারিতে বসে ফুটবল খেলা দেখার অনুমতি দিয়েছে সৌদি আরব সরকার। শনিবার জেদ্দার কিং আবদুল্লাহ স্টেডিয়ামে সীটিতে এবং ১৮ জানুয়ারি দাম্মামের প্রিন্স মহম্মদ বিন ফাহাদ স্টেডিয়ামে মহিলা দর্শকদের গ্যালারিতে স্বাগত জানাতে প্রস্তুত কর্তৃপক্ষ। এই উপলক্ষে স্টেডিয়ামগুলিতে মহিলাদের বসার জন্য বিশেষ ব্যবস্থা করা হয়েছে। স্টেডিয়ামের ক্যাফে ও রেস্তোরাঁতেও মহিলাদের জন্য বিশেষ ব্যবস্থা থাকবে। সৌদি আরবের রক্ষণশীল সমাজের আধুনিকীকরণে 'ভিশন ২০৩০' ঘোষণা করেছেন প্রিন্স মহম্মদ বিন সলমান। এসব তারই অঙ্গ বলে মনে করা হচ্ছে। সৌদি আরব সরকার সম্প্রতি মহিলাদের উপর থেকে বেশকিছু নিষেধাজ্ঞা তুলে নেওয়ার কথা ঘোষণা করেছে। এরমধ্যে অন্যতম হল সৌদি মহিলাদের গাড়ি চালানোর অনুমতি দেওয়া। সেই সিদ্ধান্ত জুন মাস থেকে কার্যকর হওয়ার কথা। প্রথম পর্যায়ে প্রায় ১০ হাজার মহিলাকে গাড়ি চালানোর অনুমতি দেওয়া হবে বলে জানা গিয়েছে।

আইবোর প্রত্যাবর্তন

টোকিও, ১২ জানুয়ারি : যত্নমানবিধি সোফিয়ার পর এবার যান্ত্রিক সারমেয় 'আইবো'। বিশ্বের রোবটপ্রেমীদের উত্তেজনা বাড়িয়ে এবার বাজারে এল 'রোবটিক ডগ'। নির্মাতা সংস্থা সোনির দাবি, রোবট প্রযুক্তিকে আরও এক কদম এগিয়ে দিয়েছে আইবো। কয়েক বছর আগে এই ধরনের একটি যান্ত্রিক কুকুর তৈরি করা হয়েছিল। কিন্তু সেটি খুব একটা কার্যকর ছিল না। এবার উন্নত প্রযুক্তি ব্যবহারের ফলে রোবটটি অনেক বেশি স্বাভাবিক আচরণ করতে সক্ষম। আইবো শুধু কুকুরের মতো আচরণই করবে না, মানুষের অনুভূতির সঙ্গে তাল মিলিয়ে চলতেও পারবে। আইবোর মধ্যে রয়েছে একাধিক সেন্সর ও ক্যামেরা। সেগুলির সাহায্যে মানুষের গতিবিধি ও পারিপার্শ্বিক পরিহাসিত সম্পর্কে ধারণা করতে পারবে এক ফুটের দুধসাদা কুকুরটি। সাধারণ কুকুরের মতোই সে চোখ ও কান নাড়াতে পারে। জাপানে ইতিমধ্যেই বাণিজ্যিকভাবে আইবোর বিক্রি শুরু হয়েছে। ভারতীয় মুদ্রায় এর দাম পড়বে প্রায় ১ লক্ষ ৪৪ হাজার টাকা।

আজকের দিনটি

শ্রীদেবাচার্য
৯৪৩৪৩১৭৩৯১

মেঘ : প্রেমে সামান্য সমস্যা। সামান্য কারণে সংসারে অশান্তি। কর্মক্ষেত্রের কারণে দূরতানে যাত্রার সম্ভাবনা। ঘৃণা ও নতুন কাজের পরিকল্পনা আজই শুরু করে দিলে সাফল্য আসবে। বিন্যাসীরা সফল হবে। মিথুন : আর্থিক উন্নতি ঘটবে। চিকিৎসক ও অধ্যাপকগণ আজ সম্মানিত হতে পারেন। বকেয়া পাওনা আদায় হবে। কর্মক্ষেত্রে নিজের বুদ্ধিমত্তার জয়। কর্কট : সামান্য কারণে প্রেমে অশান্তি। সৃজনশীল কাজে স্বীকৃতি মিলবে। শরীর নিয়ে উদ্বেগ থাকবে। সিংহ : অযথা তাড়াহুড়া করতে গিয়ে জটিল হয়ে উঠবে কোনো কাজ। গৃহসংস্কারে পড়শির বাধা আসতে পারে। কন্যা : ফেলে রাখা কোনো কাজে হাত দিলে তা সফল হবে। মায়ের স্বাস্থ্য নিয়ে উদ্বেগ থাকবে। তুলা : নতুন কোনো সম্পর্কে জড়িয়ে পড়তে পারেন। কর্মস্থলে পদোন্নতির সংবাদ পেতে পারেন। কোনো কারণেই প্রলোভনে পড়বেন না। প্রেমের ক্ষেত্রে শুভ। বৃশ্চিক : চাকরিতে পদোন্নতি। নতুন কোনো বন্ধুলাভে আনন্দ। উপযাচক হয়ে কাউকে উপদেশ দিতে যাবেন না। ধনু : ব্যবসায় অর্থাগম হবে। অংশীদারি ব্যবসায় কর্মচারীর সমস্যা। মায়ের পরামর্শ মেনে লাভবান হবেন। মকর : ফেলে রাখা কাজ শুরু করতে পারেন। বিদেশ গমনের ইচ্ছা পূরণ হতে পারে। কুম্ভ : প্রিয় কোনো বন্ধুকে ফিরে পেয়ে খুশি। বাবা-মায়ের স্বাস্থ্য নিয়ে উদ্বেগ কেটে যাবে। অতি প্রণয়ে সমস্যা। মীন : কোনো অনুষ্ঠানে খুঁজে পাবেন প্রিয় মানুষটিকে। কর্মক্ষেত্রে পদোন্নতির সংবাদ পেতে পারেন। নিজের সিদ্ধান্তে অটল থাকলে সাফল্য আসবে।

দিনপঞ্জি

গুপ্তসে ডাইরেক্টরি পঞ্জিকা মতে আজ শনিবার ইং ১৩ জানুয়ারি, ২৮ পৌষ, মূগ ২৫ রবিঃসানি, ঋঃ ১১ মাঘ, স্বয়ং ১২ মাঘ বিদী। ধনু ধর ৪।৫৬।৩২ থেকে উদয় মিথুন ৫।১৭।১১ বিঃ থেকে শুভ।

মমতা বন্দ্যোপাধ্যায়
মাননীয় মুখ্যমন্ত্রী
পশ্চিমবঙ্গ

বাংলা মানে এগিয়ে যাওয়া

দেশের মধ্যে স্বাচ্ছন্দ্যে ব্যবসা-বাণিজ্য করার সহজ উপায় নতুন করে চিনিয়েছে বাংলা। মাননীয় মুখ্যমন্ত্রী মমতা বন্দ্যোপাধ্যায়ের যোগ্য নেতৃত্বে সসৌরবে এগিয়ে চলেছে এই রাজ্য।

কলকাতার নিউটাউনে অবস্থিত দেশের সব থেকে বড় কনভেনশন সেন্টারে আগামী ১৬ ও ১৭ জানুয়ারি, ২০১৮ তারিখে অনুষ্ঠিত হতে চলেছে বিশ্ব বঙ্গ বাণিজ্য সম্মেলনের চতুর্থ সংস্করণ। এই উপলক্ষে বিভিন্ন বিখ্যাত শিল্পপতি, চিন্তাবিদ, বিদেশি প্রতিনিধি, বিশিষ্ট ব্যক্তিবর্গ এবং উৎসাহী উদ্যোগপতিরা একত্রে মিলিত হচ্ছেন বাণিজ্য-বান্ধব এই রাজ্যে।

বিনিয়োগের বিভিন্ন ক্ষেত্রে এই রাজ্য উপস্থাপন করেছে বৃদ্ধি এবং সমৃদ্ধির এক নতুন দিগন্ত। তাই এই সম্মেলনে যোগ দিন এবং সাফল্যের অভিমুখে যাত্রা শুরু করুন।

বিশ্ব বাংলা ২০১৮

BISWA BANGLA

বিভিন্ন ক্ষেত্রে বিনিয়োগ | আন্তর্জাতিক প্লেনারি সেশন | বিভিন্ন দেশের সংযোগ এবং B2B, B2G মিটিং

অংশগ্রহণ করতে আমাদের মেইল করুন businesssynergycentre@wbidc.com

রাজ্যের নিজস্ব কর সংগ্রহের পরিমাণ দ্বিগুণেরও বেশি বৃদ্ধি পেয়েছে গত ৬ বছরে

বঙ্গগত পরিকাঠামোর ক্ষেত্রে ব্যয় চার গুণ বৃদ্ধি পেয়েছে গত ৬ বছরে

সামাজিক পরিকাঠামোর ক্ষেত্রে ব্যয় সাড়ে চার গুণ বৃদ্ধি পেয়েছে গত ৬ বছরে

বিদ্যুতের বিতরণ এবং সহজলভ্যতার ক্ষেত্রে ভারতের মধ্যে প্রথম স্থানে

চেক রিপাবলিক

ফ্রান্স

জার্মানি

ইতালি

জাপান

রিপাবলিক অফ কোরিয়া

ইউআইটেড আরব এমিরেটস

পোল্যান্ড

ইউনাইটেড কিংডম

Summit Partner

Knowledge Partner

Follow us on

www.bengalglobalsummit.com

Download App

নাম নিবন্ধনের জন্য লগ অন করুন

www.bengalglobalsummit.com/registration/

BENGAL GLOBAL BUSINESS SUMMIT

16-17 January '18

Biswa Bangla Convention Centre
New Town, Kolkata

Genesis 5324